



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1606. usque ad annum 1610

Fleury, Claude

August. Vind. [u.a.], 1776

VD18 90118820

§. 20. Gabriel Batorius Transylvaniæ Princeps a Protestantibus salutatus.

[urn:nbn:de:hbz:466:1-67222](https://nbn-resolving.org/urn:nbn:de:hbz:466:1-67222)

Sæc. XVII. A. C. 1608. *minime, uti sperarant, ab exteris Principibus acceptata, sed explosa fuit. Firmiter ergo spero, tantum hanc meam declarationem apud alios Reges, Principes & status pondus habituram, ut tam fœdis creaturis earumque si quas forte contra me evomerint, calumniis minime fidem sint habituri, sed tanquam rebelles infidelitatis, & summe ingratitude reos habituri, atque detestaturi.*

Verum hæc acerbioris styli spicula minime Tiræni, æquitatis fiducia tuti famam lædebant, quamvis Rex sub Tiræniæ rebellionis obtentu quosdam Hiberniæ Nobiles in vincula coniectos in Angliam abduci iussisset.

§. XX.

Gabriel Batorius Transylvaniæ Princeps a Protestantibus salutatus.

*Merc. Gal-
lobelg. t. 6.
lib. 3.
Juven. hist.
Soc. lib. 12.
p. 5. pag.
125.*

Sub idem tempus Sigismundus Ragozius, qui invitus biennio nondum evoluto ad Daciæ gubernacula capessenda rapiébatur, quietioris vitæ studio ac Cæsareæ vindictæ fuga sese Transylvanorum Principatu non sine omnium admiratione abdicabat, Sarentum se conferens: mox vero adscitis confluentibusque hæreticæ factionis suffragiis Gabriel Batorius in Daciarum Principem nominatur, qui etiam ejurato Rudolphi Cæsaris juramento, Amurathis

Otto-

Ottomani Imperatoris, qui ejus electionem confirmaverat, tutelæ, præsidioque se totum & ultro submisit, fidemque Catholicam, quæ nonnisi ejecto Michaelæ Adaffio sub imperio Leopoldi Cæsaris restituebatur, penitus eliminavit, dum Catholicis quidem institutis a Patruo suo educatus, ad hæresin tamen profugit, ac universam Daciam præter Arianorum etiam Calvinistarum erroribus inundavit, vere degener Bathorianæ stirpis furculus, cujus Majores virtutis splendore ac famæ gloria tam pace quam bello conspicui inclytum in Sacra civilique toga, chlamyde, corona & galero nomen per plurima sæcula sibi comparaverant. Porro Transylvaniæ Proceres juxta Principis sui exemplum, quod in Religione plurimum valet, die decima Junii decretum confirmarunt, quo Jesuitæ e toto Principatu expellebantur, in quem anno Domini millesimo quingentesimo septuagesimo nono a Christophoro & Stephano Bathoriis introducebantur, inde vero evoluto nondum viginti sex annorum intervallo quatuor vicibus ejecti, ac rursus revocati fuere, prout Principes adversus eos querendi vel commendandi argumenta habuisse sibi videbantur, Ceterum Catholici Transylvaniæ Proceres jam anno priori die vigesima

X 5

Junii

Sæc. XVII.
A. C. 1608.

Sæc. XVII. Junii in suis comitiis Claudiopoli habitis contra decretum a Protestantibus conflatum aduersus Societatem contestati sunt.

§. XXI.

Francisca Romana a Paulo V. Castibus adscripta.

Præcipua hujus anni cura Paulo V. Pontifici Maximo fuisse videtur, ut Franciscam patria Romanam, paternæ stirpis nobilitate Buxeam, matrimonii claritudine Pontianam, vitæ meritis inclytam ac supra sexus & naturæ vires mirandorum effectricem inter Virgularum cælestium cætus solemniter receptam declararet, post annos ab ejus obitu, sesqui centum & duodeviginti. Hæc anno Christi millesimo trecentesimo octogesimo quarto felici sorte data est Ecclesiæ, quæ cum animam bonam sortita esset, undecimo ætatis suæ anno jugum Domini portare incipiens, Christo virginitatem suam solemniter sponcione consecrare constituit. Verum Paulo Buxio & Jacobella Broffedeschinæ ejus parentibus impense sollicitantibus obediens Virgo Laurentio de Pontianis Viro prædiviti nupsit, quin tamen re domesticæ cura illam a cælestium meditatione abstraheret. Inter cetera autem